

Mawlana Shaykh Muhammad Adil ar-Rabbani

SUNNAT KI PAIRWI SE US ﷺ KE HUKM KI TAMEEL KAREIN

As-Salāmu ‘Alaykum wa RaḥmatuLlāhi wa Barakātuh.

A‘ūdhu BiLlāhi Minash-shayṭāni r-rajīm. BismiLlāhi r-Raḥmāni r-Raḥīm.

Wa ṣ-Salātu wa s-Salāmu ‘alā Rasūlinā Muḥammadin Sayyidi l-Anwālina wa l-Akhirin.

Madad yā RasūlAllāh, Madad yā Sādāti Aṣḥābi RasūlilLāh, Madad yā Mashāyikhinā,

Dastūr Mawlana Sheikh Abdullāh al-Fā’iz ad-Dāghistāni, Sheikh Muḥammad Nāẓim

al-Ḥaqqāni. Madad. Tarīqatunā aṣ-Ṣuḥbah wa l-Khayru fi l-Jam‘iyyah.

Allah ‘Azza wa-Jalla hum par nekī ka hukm farmātā hai, Woh ﷺ insāf ka hukm farmātā hai, Woh ﷺ khoobsurti (behtareen) ka hukm farmātā hai. Us ﷺ ne paighambar bheje taki in ahkām ko pūra karein. Woh ﷺ farmātā hai, “Unke raaste par chalo. Yehi log raasta dikhāne walē hain. Humne unhein paighambari aur kitābein dono ataa ki.” Har paighambar ko ek kitāb di gayi. Us ﷺ ne kitābe ataa ki jaise Qur’ān ‘Azīmu sh-Sha’n. Beshak, ab un kitābon mein se kuch bhi bāqī nahī hai. Sirf Qur’ān ‘Azīmu sh-Sha’n bāqī hai. “Hum ne unko hikmat bhi ataa ki.” Hikmat ahem hai. Kyunki ilm bila hikmat ke bekaar hai. “Unki pairwi karo. Allah ﷻ ki hidayat ki pairwi karo,” Allah ‘Azza wa-Jalla farmātā hai.

Yeh hukm kaise pūrā karein? Yaqīnān, unke raaste par chal kar, jo unhone dikhāyā hai. Beshak, jaisā ke hamne kaha, aakhri kitāb, Qur’ān ‘Azīmu sh-Sha’n, hamāre Rasool ṣallā Llāhu ‘alayhi wa-sallam ke sāth bheji gāi. Hamein us raaste par chalnā hai, jis tarah aap ﷺ ne farmaya hain. Woh ﷺ kehta hai, “Unki pairwi karo.” Apne soch ke mutabiq amal mat karo. Jo aap ﷺ ne dikhāyā, jo aap ﷺ ne farmāyā, us par amal karo. Hamāre Rasool ṣallā Llāhu ‘alayhi wa-sallam farmātē hain, “Mere baad, merī sunnat aur mere baad ane wale Khulafā’ Rāshidīn, ki pairawī karo. Mere khalifaon ki sunnat par qaim raho.” Yeh sunnat bahot ahem hai. Iss raaste par chalnā ahem hai. Jo sunnat par nahī chaltein woh kuch haasil nahī kar payeingay; woh bahot kuch gawa denge. Sabse ahem, woh apnā īmān khoyenge. Allāh ﷻ hum sab ki hifazat farmāye.

Yeh jo raasta hain woh hamāre Rasool ṣallā Llāhu ‘alayhi wa-sallam ne Allāh ﷻ ke hukm se farmaya hai. Ab kuch log jo apne aap ko bhī nahī jānte, zahir hue hain. Woh kehte hain, “Nahī, hum sunnat ko nahī mānte, hum hadees ko nahī mānte.” Lekin woh shurūāt se hi ghalat hain. Unki koshish bekaar hai. Jo kuch woh kar rahe hain, Allāh ﷻ humari hifazat farmāye, usse woh kāfir ban jaate hain. Yahi unka ākhir mein nateeja hogā.

Mawlana Shaykh Muhammad Adil ar-Rabbani

Hamāre Rasool ṣallā Llāhu ‘alayhi wa-sallam ki sunnat aur aap ﷺ ke farmaan par amal karna, hamara martaba Allāh ﷻ ke nazdeek barhāyegā aur hamārā anjām bhī bhala hogā. Allāh ﷻ hamein iss rāste se kabhī juda na karein, InshaAllah. Ham bhī unke raaste par chalein, InshaAllah.

Wa min Allāhi t-Tawfīq. Al-Fātiḥa.

Mawlana Sheikh Muhammad Adil ar-Rabbani
28 July 2025/ 03 Safar 1447
Fajr Prayer – Akbaba Dergah, Istanbul